

sed etiam vitam ovibus *acquirere*, vel etiam *vitam suam pro eis*
ponere contendit Job. X, 11. & proprio sanguine tales acquisivit,
 vel redemit Act. XX, 28. sanguine nimirum testamenti Hebr. XIII,
 20. adeoque vitam iis comparavit, eamque verè conservavit,
 & adhuc conservat, & ab omnibus hostilibus incursionibus
 tuetur. (6) Ob Principale Pastorum exercitium, quia non est
mercenarius, sed ut *proprias oves* acquisivit, ut *proprias oves* du-
 cit, ut *proprias oves* pascit, ut *proprias oves* educit, & reducit, ut
proprias oves custodit &c. Job. X, 3. 4. & seqq. (7) Ob Principale
 Pastorum beneficium, quia cunctæ Spirituales oves per eum in-
 grediuntur, & egrediuntur, & pascua inveniunt, v. g. per hunc Pa-
 storem vitam oves habent, & corporalem, & spiritualem, & aternalem,
 & omnem vel abundantiam, vel sufficientiam, das Leben/ und alle
 Nutzen / τὸ πῶσιόν ἐν v. 10. (8) Ob Principale Pastorum mi-
 nisterium, vel imperium, quia, tanquam Ἀρχιερατικόν, omnes alios
 ministeriales Pastores mittit, & emittit, simul ipsum ostium eis
 ponit, quibus ostiarius aperiat, ut oves vocem eorum audiant,
 easque nominaliter vocent, & educant, & ante oves emissas va-
 dant, & oves illos sequantur, quia sciunt vocem eorum v. 3. 4.
 sic enim inquit v. g. Ego sum ostium ovium, quotquot ante me ve-
 nerunt, fures & latrones fuerunt; sed non audiverunt eos oves: Ego
 sum ostium, per me si quis introjerit, salvabitur: & ingredietur, &
 egredietur, & pascua inveniet. [9] Ob Principale Pastorum prae-
 sidium, quia semper est Pastor vigil, & custos Israelis, Psal. CXXI,
 3. 4. ubi David bis hoc inculeat; Non dormitabit, qui custodit te:
 Ecce non dormitabit, neque dormiet, qui custodit Israel: Sic ergo
 Praeses iste perpetuus est, vigil atque custos. (10) Ob Principale
 Pastorum privilegium, quæ privilegia tot ac tanta sunt, ut ne-
 que numerari, nec aestimari queant. Confer. Psalm. XXIII, 1.
 seqq. XXX, 1. seq. Ezech. dd. II.

25. Causam materiale exhibet immarcescibilis gloria corona,
 quæ certe plurima non tantum, sed etiam maxima mysteria,
 notatu dignissima nobis offerret, si modo justam Commentatio-
 nem de hac corona conscribere possemus. Hac vice brevi-
 tatis causa tantummodo notabimus, (1) Corone Quid dicitur,

(2) Co-